


Brünnich tcubay

Kaiksanelia. Moe Novaya Zemlya ewalatum kimon ice Sibira, tela toloya logijafa siuda dem Brünnich tcubay (*Uria lomvia*) va mon balemvuntoyo zveri tanton katanad ! Bati zveri moe yona nilafa raporafa gravida va sint flavad, i moe gravida rion zidafa is dile mantafa vas anton san-toloye decemeametre, ise va beta tambama ke krimtafa kiria ontinafa vas decemoye metre kereled. Tandeon, bak baleme-aksat ok alubeaksat, lorasu viaku dem tcubay millize begamur ; voxen xoem arti balemoy aksat belon di zo jovler, kiren zverieem grocelon ice krimta figtugalur. Brünnich tcubay koe Europa is Asia is Lentafa Amerika sye nazbalker. Va tanoyo ato sokatoar aze mo pist riontton aykar larde va atoxo somevegedur.

Arpumapa. Bato ato diso va mialukafdo aldo vas 105 grame, tir vas mon 10 % ke aldocko ke atoayasi zveri. Voldum jontika ruyera, inaf tazuk me tater da ion rovdakeoyer. Volsen akeoyera titi cwaro tid jontika. Voxen darpe abdufira is atrira ke futik, empasa arpuma illaumad kiren mosxo ke ato arplekuwer. Cwatason, tcubay va ato mo pivoteem rundar. Zveriya is zveriyre remi cvurugad vas barsanoy viral va sint dun ledunged. Remi baroya afta ke tira, tcubayoc gan tan milgik dun zo tuidular. Edeme nekev saya nope fent co awalker kiren inafa koefa yanka men tir belafa. Bak bata rekola, zverioc va aldo jontolar numen aldocko va 140 ik 150 grame artfir. Tcubayoc vas lokap va koblixo moe kiria me di bulud kire abdon al xonuked, tison kosaf gu fent ok lubera ok gralomeso lakropo. Naelaf bresitol sotts ar guinesik va zverifa sanelia, va rotartlanino ato estur. Brünnich tcubay kalion grutalar voxo golde trelapaf ault, drikon vere somerioniarur.


Abrotce : 43 cm-
Aldo : 1.2 kg-
Wiltlud : 70 cm-
Blirugal : ide 10 tanda koe tuwava.



Ba baroya safta, tcubayoc va kiria bulur aze va tan gadik kes moe lavek is rozas lakevatar. Men grutalackar neke ko vlarde onoir, dile titu ontine vas konake sanoye metre, mo trefa katama ik ko kira luber. Sotoseon is tegulacion va vittameem, va lubera tvuvar. Rion zo bakari oke zo aytar kare tir bagaf ise va vafa sayafa bada sodir.



Brünnich tcubay va kabay dabon malestur : i va bakami is halado is saluk is bivedo. Grupujeyer ise va 40 ik 50 versat leve lavek rodetackar ise kal titayee vas 18 m-, rodetobtar. Pujeteson, va vittreem dekon zanudar millinde koe rid co talar.



Va ittafa conya rune oral katcabat, i va conya meknaladesa denie yavaf tcubay tis kosayafa katca. Brünnich tcubay va baroy gedi (abrotcef gedi) dem wafad pivot anton dir. Toloy wilt tid abrotcafak is lulaf neken snaf welmot tir axaf kapibure kum ke zveri.



Tzarsira va toloyo ato dye milafko ke tcubay tir meroztacka, kore va konako decemoyo co rindet. Bata gedruca ta tcauteru va ato gan tcubay dintalasi kal zverio mende nuyoridar. Bata ra gan lanyona bagalara zo rozackaylar.

